

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 232097 23 St
Zenica, 24.06.2024. godine

Općinski sud u Zenici, stečajni sudija Amela Sinanović, u stečajnom postupku nad imovinom stečajnog dužnika Društvo za proizvodnju, trgovinu i promet "AROMA-COMMERCE, doo. Žepče, Željezno polje bb, Žepče, koga zastupa zastupnik po zakonu Galib Grabus, direktor, MBS 1-8515, odlučujući o prijedlog stečajnog dužnika, van ročišta, dana 24.06.2024. godine, donio je sljedeće:

RJEŠENJE

OTVARA SE STEČAJNI POSTUPAK nad pravnim licem Društvo za proizvodnju, trgovinu i promet "AROMA-COMMERCE", d.o.o. Žepče, sa sjedištem u Žepču, ul. Željezno Polje b.b., ID broj: 4218417730001, matični broj subjekta upisa broj 1-8515, dana 24.06.2024. godine u 15,00 sati.

Za stečajnog upravitelja, sa liste stečajnih upravitelja, se imenuje Ismić Sulejman iz Visokog, Carica br. 12.

Pozivaju se povjeritelji da u roku od 30 dana prijave svoja potraživanja, koja imaju prema stečajnom dužniku podnošenjem prijave Općinskom sudu Zenica na broj: 43 0 St 232097 23 St, uz uplatu sudske takse u iznosu od 1% od vrijednosti potraživanja, ali ne manje od 50,00 KM niti više od 10.000,00 KM na račun budžeta ZE-DO kantona broj: 134-010-0000001672, vrsta prihoda 722221, budžetska organizacija 1606001, općina 103.

Podnositelji prijave uz prijavu trebaju navesti svoju firmu, sjedište, boravište, pravni osnov i iznos potraživanja, kao i broj svog žiro računa.

Pozivaju se povjeritelji da stečajnog upravnika u roku od 30 dana obavijeste koja prava osiguranja potražuju na predmetima i imovini stečajnog dužnika, navođenjem predmeta nad kojim se potražuje pravo osiguranja, vrstu i razlog nastanka prava osiguranja, kao i osigurano potraživanje.

Pozivaju se dužnici stečajnog dužnika da svoje obaveze bez odlaganja izmire.

Ispitno i izvještajno ročište u ovom postupku zakazuje se za dan 11.09.2024 godine u 09:00 sati, u zgradi Općinskog suda Zenica, te se na isto pozivaju povjerioci stečajnog dužnika koji podnesu prijavu potraživanja, kao i stečajni upravnik.

Obrazloženje

Zastupnik po zakonu pravnog lica Društvo za proizvodnju, trgovinu i promet "AROMA COMMERCE", d.o.o. Žepče, sa sjedištem u Žepču, Željezno polje bb, dana 10.07.2023. godine, podnio je ovom sudu prijedlog za pokretanje stečajnog postupka nad stečajnim dužnikom Društvo za proizvodnju, trgovinu i promet "AROMA COMMERCE", d.o.o. Žepče, sa sjedištem u Žepču, Željezno polje bb.

Rješenjem ovog suda od 03.11.2023. godine, pokrenut je prethodni postupak radi utvrđivanja uslova za otvaranje stečajnog postupka na imovinom stečajnog dužnika Društvo za proizvodnju, trgovinu i promet "AROMA-COMMERCE", d.o.o. Žepče, Željezno polje bb, Žepče.

Na ročištu za ispitivanje uvjeta za otvaranje stečajnog postupka, održanom dana 20.06.2024 godine, privremeni stečajni upravnik je izjavio da ostaje kod prijedloga za provođenje stečajnog postupka na predmetnim društvom, te da su se stekli uvjeti za otvaranje stečajnog postupka shodno odredbama Zakona o stečajnom postupku. U vezi sa imovinom predmetnog društva privremeni stečajni upravnik je izjavio da predmetno društvo ne posjeduje nikakvu nepokretnu imovinu, a što proističe iz Uvjerenja

Općine Žepče broj 03-30-2-4368/23-2 od 14.11.2023. godine i Uvjerenja Općinskog suda u Žepču broj 044-0-RZ-23-000296 od 14.11.2023. godine. Dalje navodi, da postoje nezatvorena konta i to konto 002-nekretnine, postrojenja i oprema gdje je prikazan iznos 174,00 KM, a što predstavlja fiskalnu kasu koja nema svoju vrijednost, konto 010 - zalihe, gdje je prikazan iznos od 45.754,00 KM što predstavlja robe koje su bile na stanju ali su iste davno prodane bez knjiženja, te je naplaćenim novcem izmirena obaveza prema dobavljačima i na iste je plaćen PDV po naknadnom inspekcijskom nalogu, a što nikada nije proknjiženo. Ističe da društvo na računima nema novca, da su isti blokirani na dan podnošenja prijedloga za otvaranje stečajnog postupka prema Izvješaju Centralne banke FBiH od 08.05.2015. godine. Obaveze društva na dan 31.12.2022. godine iznose 55.547,00 KM, a sastoje se od obaveza prema dobavljačima i ugovornih obaveza u iznosu od 26.067,00 KM, a da je predmetni iznos prema navodima zastupnika po zakonu i računovođe izmiren kroz prodaju robe- zalihe, ali bez uredne dokumentacije. Obaveze društva ukupno iznose 43.699,42 KM a odnose se na obaveze po osnovu poreza na dobit u iznosu od 2.341,00 KM, te ostale obaveze uključujući i razgraničenja što predstavlja obaveze po osnovu neisplaćenih plata i obaveza kao i kamata, u iznosu od 27.049,00 KM. Privremeni stečajni upravnik je izjavio da predmetno društvo raspolaže imovinom i to: teretno motorno vozilo marke VW, tip 9KV, broj šasije WIZZZ9KZXR522696, godina proizvodnje 1998., boja bijela, registarskih oznaka E70-M-039, čija procijenjena vrijednost iznosi 732,42 KM sa PDV-om, da isto predstavlja stečajnu masu. Imajući u vidu da društvo posjeduje teretno motorno vozilo, privremeni stečajni upravnik je predložio sudu da otvori stečajni postupak.

Cijeneći sve naprijed navedeno sud je ovim rješenjem odredio dan i čas otvaranja postupka, imenovao stečajnog upravnika koji ispunjava uvjete iz odredbe člana 71. stav 2. tačka c), člana 73, a u vezi sa odredbom čl. 76 Zakona o stečajnom postupku, te pozvao povjerioce stečajnog dužnika da prijave potraživanja i povjerioce sa pravom osiguranja da obavijeste stečajnog upravnika o svom pravu, te dužnike stečajnog dužnika da bez odlaganja izmire svoja potraživanja. te je odredio i dan i čas za koji je zakazano ispitno i izvještajno ročište, sve u skladu sa odredbama Zakona o stečaju.

PRAVNA POUKA:

Protiv ovog rješenja stečajni dužnik može uložiti žalbu Kantonalnom sudu u Zenici, u roku od 8 dana od dana dostave, a putem ovog suda.

Stečajni sudija
Amela Sinanović, s.r.